


PRÆSENS characterum Index duodecima & decimatercia figuris ideo habetur communis, quod cauam iecoris sedem plerisque characteribus quibus decimatercia occupatur insigniri licuisset, nisi characterum copia delineationem fuisset uitatura. Quum itaque character occurreret duodecima figuræ peculiaris, illi 1 subiungemus, illis qui decimatercia priuatim inscribuntur 2 adiecturi. Si uero quis utrisque figuris simul communis erit, illi 1 & 2 addetur.

- H, H<sub>1</sub> Peritonæi una cum costis euersti portio.  
L<sub>1</sub> Portiuncula gibbi sedis iecoris. M<sub>1</sub> Iecoris sectio, cui fortissimi alæ uena primum inseritur.  
N<sub>1</sub> Rimæ ac impressiones & tubercula in iecoris cauo iuxta uenæ portæ exortum conspicua. N uero superius, seu sinistrum, seu ipso T uicinius, sedem indicat, qua ab umbilico procedens uena iecoris cauo ubi portæ caudex prodegit, inseritur. Ab M enim ad N usque foramen notatur, quod libere quodammodo umbilici transmittit uenam ad sedem N insignitam. (colligās.)  
O<sub>1</sub> Ligamentum sinistram iecoris partem (quæ in angulum quodammodo acutum desinit) septo transuerso hic  
Φ<sub>1</sub> Sinus iecori hic incisus, ac stomacho cedens, ubi is superiori uentriculi orificio continuatur.  
P, Q<sub>1</sub> Venterculus.  
R<sub>1</sub> Ventriculi superius orificium, seu stomachi finis, una cum uenis, arterijs, & nervis id orificium amplexantibus.  
S<sub>1,2</sub> Humilius uentriculi orificium, ipsiusque duodeni intestini initium, quod in duodecima figura secus atque secundum naturam se habet, ad interiora refleximus, ut in conspectum ueniret bilis uesiculae meatus in ipsum insertus, ac mox c notandus.  
T<sub>1</sub> Nervus à nervis elatius uentriculi orificium implicantibuseductus, iecorisque cauo insertus.  
V<sub>2</sub> Bilis uesicula. Hæc in utrisque præsentibus figuris est conspicua. uerum priuatim illam duntaxat in decimatercia characterem notauimus, ac proinde primum decimatercia, ac dein duodecima mentem hic & in subsequentibus aliquot characteribus accommoda.  
X, X<sub>2</sub> Meatus bilis uesiculae per iecoris corpus exporrecti, inter portæ uenæ et cauæ ite uenæ ramos.  
Y<sub>2</sub> Vena portæ propago in iecoris substantiam diffusa.  
Z<sub>2</sub> Vena cauæ propago in iecoris substantiam digesta. Volui enim hic exprimere uasorum in iecoris substantia situm, qui scilicet portæ uenæ rami propaginibus caua subijciantur, et quoniam pacto in horum medio bilis uesiculae meatus excurrant.  
a<sub>2</sub> Concurfus meatus bilis uesiculae, qui in iecoris corpus digeruntur.  
b<sub>2</sub> Vesiculae bilis ceruix, cui meatus ex iecore ductus ac a notatus inseritur, communisque efficitur.  
c<sub>1,2</sub> Bilis uesiculae meatus in duodenum intestinum insertus, ac S ad usque in decimatercia figura duodenum indicat intestinum, quod humiliori sede apertum sinximus, ne meatus illius c notati insertio lateret.  
e<sub>2</sub> Arteria in iecoris cauum & bilis uesiculam digesta.  
f<sub>2</sub> Nervulus iecori & bilis uesiculæ communis, & à sexti paris nervorum cerebri propagine depromptus, quæ dextri lateris costarum exporrigitur radicibus.  
g<sub>2</sub> Tenuis portæ uenæ propagines, in bilis uesiculam excurrentes.  
h<sub>1</sub> Portæ uenæ caudex. (stinet.)  
i, i<sub>1</sub> Glandulosum corpus, quod duodeno intestino adnascitur, uasque ipsi exporrecta opportune subijciuntur.  
k, l, m, 1 Mesenterij. Uerum singuli characteres priuatim quid indicant. k enim uenæ portæ dextri seu grandioris trunci distributionem in mesenterium notat. l uero glandulosum corpus in mesenterio primis uasorum distributionibus præfectum. m autem, mesenterij insinuat partem, cui colon intestinum tota illa sede committitur, qua à dextri renis sede ad iecoris usque cauum pertinet. Hic namque colum intestinum à mesenterio diuulsum est, quo mesenterij centrum aptius delinearetur.  
n<sub>1</sub> Vena quæ sub posteriori recti intestini sede deorsum protenditur, ipsique recto intestino uenas  
o<sub>1</sub> Vesicæ fundi superior pars etiam hic est conspicua. (porrigit.)  
p<sub>1</sub> Quod hic extuberat dexter est ren, sua pingui membrana adhuc obiectus.  
q<sub>1</sub> Meatus urinaris, à dextro rene urinam in uesicam deducens.  
r<sub>1</sub> Vena ac arteria seminales dextri lateris.  
s<sub>1</sub> Vas semen à dextro teste uersus ceruicis uesicæ initium perferens.


DECL

DECIMAQVARTA QVINTI  
LIBRI FIGVRA, AN

teriozem integri uentriculi & stomachi  
faciem exprimens, una cum uenis, ar  
terijs & nervis uentri  
culo insertis.

DECIMAQVINTA QVINTI  
LIBRI FIGVRA, IN

tegre uentriculi & stomachi postero  
rem exhibens faciem.



CHARACTERVM DECIMAEQVARTAE ET DECIMAE  
quintae figurarum Index.

CHARACTERES hoc Indice explicandi partim utriusque figuræ communes sunt, partim nunc huic, nunc illi peculiares: ac proinde communes 1 & 2 indicabimus, peculiariibus uero decimae quintae figuræ characteribus, hæc 1 subijcietur, decimae sextae autem hæc 2.  
A<sub>1,2</sub> Stomachi pars in fauces orisque adeo amplitudinem pertinens, hic à faucibus præsecta cernitur.  
A, B<sub>1,2</sub> Ab A ad B usque ductus stomachi notatur, recta per mediam uertebrae ceruicis & quatuor superiorum thoracis sedem descendens.

AB